

li à ditto, esser capità li uno corier di Franza, qual, venendo da Venexia, eri di quà da Lonà, con Martim da Casal, andava in Franza, fo da 4 stravestiti, a cavallo, armati, arsaltato, e menati a Castiglion di le Stiviere, locho dil marchexe di Mantoa, et ivi rimase ditto Martim, e lui corier fo licentiatto. Et ditto corier scrive a l' orator suo *etc.* Noto, fo dato a ditto Martim, per la Signoria nostra, acciò vadi in Franza, ducati 100 e uno salvo conduto *etc.* Item, esso podestà scrive, in quel teritorio esser fato grandi eccessi e deliti. Or fo mandato *statim* a notificar questa letera a l' orator di Franza.

Da poi disnar fo pregadi. Non vene il principe. Et poi leto le lettere, sier Zacharia Contarini, el cavalier, electo orator in Hungaria, andò in renga, excusandosi per la moier, qual era amalata, et à X fiolli, et per lo eror di le ballote, nel scurtinio, seuodè di più, et per una leze dil 1472, a di 6 octubrio presa, il scurtinio dia andar zoso; dicendo era stato in 6 legatione, zoè tre di là da' monti, zoè do volte al re di romani et una in Franza, et a la legation ultima dil re di romani alozò in una caxa, dove sopra quel leto era morto di peste; et, potendo, faria come il padre sier Francesco, dotor, morse per una legation di Siena, sier Nicolò, suo avo, in Savoia, e sier Zacharia, abatavo, a le Crugne di Spagna. Or fo posto parte per li consieri e cai di 40, di acetar la sua seusa, atento il desordine di le ballote. E sier Lunardo Grimani e sier Francesco Foscari, savij a terra ferma, messeno ditta parte, voglij quello vol la parte 1479 de li do terzi. Or 5 non sincere, 19 di no, 43 di do savij a terra ferma, et 88 di consieri. Et fu presa. Et fu fato il scurtinio di uno altro in locho suo, et rimase sier Zorzi Pixani, dotor et cavalier, qual sarà qui soto il scurtinio.

Poi sier Nicolò Trivixam, procurator, savio dil conseio, andò in renga, per esser in setimana, e referi quello havia ditto el cardinal legato in colegio, zoè le do proposition notate di sopra. Et per li savij dil conseio et di tera ferma fu posto responderli con bona forma, non era honesto contra Faenza se impazessemo. Item, di la conduta, per le gran spexe, non si pol al presente far. E ditta parte have X di no, el resto de sì. Et fo presa.

Fu posto per tutte tre man di savij, d' acordo, una letera a sier Sabastiam Zustignan, orator nostro in Hongaria, e avisarli la venuta dil cardinal legato, et l' orator nostro eletto con amplo mandato, et che tengi ben edifichato quel re, e a sue lettere non se li risponde. Item, dil capello dil cardinal ystrigoniense, scritto a Roma, el papa disse lo manderia, et nui

habiamo mandato le lettere ne mandò di la raina a Roma e in Franza. Ave 6 di no.

Fu pòsto per li consieri, cai di 40 e tutti i savij, una addition a la parte di rezimenti, che la sij posta in gran conseio, et per il tempo servirano con questa parte, non habino contumacia, ma, refudando, sì. Et have 8 di no. Et il zorno sequente fo presa a gran conseio.

Fu leto la parte di sier Bernardo Barbarigo, savio a terra ferma, zercha i fogolari, elezer 6, quali tanxano et fazi 4 per contra, do zenthilomeni e do popolari *etc.* Non fo balotà, e dato sacramento per li cai di X di questo.

163 *Scurtinio di orator in Hongaria, in luogo di 475*
sier Zacharia Contarini, el cavalier, si ha excusado.

Sier Marco Dandolo, dotor e cavalier, fo ambador in Hongaria	76. 83
Sier Domenego Contarini, fo capetanio a Vizenza, <i>quondam</i> sier Mafio	50.106
Sier Lunardo Grimani, savio a terra ferma, <i>quondam</i> sier Piero	38.158
Sier Francesco Querini, fo retor e provedador a Cataro, <i>quondam</i> sier Andrea	79. 79
Sier Andrea Trivixam, el cavalier, è di pregadi, <i>quondam</i> sier Tomà, procurator	40.113
Sier Bernardo Bembo, dotor, cavalier, el governador di l' intrade	42.117
Sier Piero Bembo, de sier Bernardo, dotor e cavalier	17.142
Sier Stefano di Prioli, fo a le raxon vecchie, <i>quondam</i> sier Alvise	9.147
Sier Piero Balbi, fo savio dil conseio, <i>quondam</i> sier Alvise	67. 93
† Sier Zorzi Pixani, dotor, cavalier, fo ambador al re di romani	88. 71
Sier Lodovico Marzello, el dotor, de sier Francesco	6.154
Sier Antonio Trum, fo consier, <i>quondam</i> sier Stai	34.125
Sier Francesco Foscari, savio a terra ferma, <i>quondam</i> sier Filippo, procurator	43.115
Sier Alvixe da Molin, savio dil conseio, <i>quondam</i> sier Nicolò	46.109
Sier Nicolò Michiel, dotor et cavalier, procurator	45.116